

# Konsellu Ministru Aprova Ona Dekretu Governu ba Medidas Ezekusaun Estadu Emerjensia Tanba COVID-19

**Dili, 28 Marsu 2020:** Konsellu Ministru sábadu ohin, aprova ona Dekretu Governu kona-ba Medida Ezekusaun no Deklarasaun Estadu Emerjensia efetuada hosi Dekretu Prezidente Repúblika n.º29/2020, lora 27 fulan Marsu, ne'ebé sei halo regulasaun/ezekusaun ba Estadu Emerjensia tanba COVID-19, hafoin Konsellu Ministru analiza iha enkontru Konsellu Ministru Estraordinária besik oras neen nia laran, hahú hosi tuku 9 dadeer to'o tuku 4 lokraik.

Dekretu Governu ne'e iha kapitulu 8 no artigu 33.

**Kapítulu I, Disposisaun Jerál:** kapitulu ne'e iha artigu 5, ko'alia kona-ba disposisaun jerál, objetivu, ámbitu ba aplikasaun territorial, prinsípiu no legalidade, prinsípiu ba igualdade no prinsípiu ba proporsionalidade

**Kapítulu II Sirkulasaun Internasionál:** Kapitulu ne'e iha artigu 7, ko'alia kona-ba proibisaun entrada estranjeiru sira iha territóriu nasional, autorizasaun esesional ba entrada estranjeiru iha territóriu, mas ho permisaun Primeiru-Ministru nian, estranjeiru responsavel sira ba transporte ou liberasaun ba merkadoria importada, kontrolu sanitáriu ba entrada no saida territóriu nasional, proibisaun embarque, ijolamentu terapéutiku obrigatoriu.

**Kapítulu III Sirkulasaun iha Territóriu Nasional no Fiksasaun Rezidénsia:** Kapitulu ne'e iha artigu 4, ko'alia kona-ba ijolamentu obrigatoriu no durasaun ba períodu konfinamentu(sulan) obrigatoriu, ijolamentu voluntáriu no konfinamentu voluntáriu, regras ba distansiamentu sosial liuhosi via pública mínimu metru ida.

**Kapítulu IV Reuniaun no Manifestaun:** Kapitulu ne'e iha artigu 2, ko'alia kona-ba proibisaun halo reuniaun no manifestaun sira labele liu ema na'in 5, no proibisaun ba sosial, kultural, no desportiva sira.

**Kapítulu V Atividade Koletiva kultu ka Relijiaun:** Kapitulu ne'e iha artigu 2, ko'alia kona-ba proibisaun eventu relijioza no realizaun fúnebre liuliu ho kondisaun SARS-cov2 labele liu ema na'in 10.

**Kapítulu VI Direitu ba Inisiativa Ekonómika Privada:** Kapitulu ne'e iha artigu 4, ko'alia kona-ba direitu ba iniciativa ekonómika privada, suspensaun ba atividade sira transporte koletivu no pasajeiru sira, regras ba asesu estabelesimentu komersial sira no prestaun serbisu, ne'ebé indivídu sira wainhira tama instalasaun komersial, obrigatoriu uza maskra, fase liman no halo distánsia metru ida, kona-ba merkadu tradisionál dispostu ho artigu anterior no halo adaptaun ba locais ne'ebé merkadu funsiona no ba Vendedor ambulantes no respetivu kliente obrigadu dispostu ba distánsia sosial.

**Kapítulu VII Administrasaun Pública:** Kapitulu ne'e iha artigu 3, ko'alia kona-ba funsionamentu serbisu prestaun no atividade profesionál ba rekursu umanu no administrasaun pública, serbisu públiku esensial sira no asesu ba instalasaun ne'ebé s funsiona serbisu.

**Kapítulu VIII Definisau Final:** Kapitulu ne'e iha artigu 6, ko'alia kona-ba; suspensaun ba atividades letivas, iha rejime Prezensial no Enseramentu ba Instalasaun Estabelesimentu Edukasaun, Ensinu superior no Formasaun profesionál, lisensa no autorizasaun, Forsa no Serbisu Seguransa, Ajente Protesaun Sivil no Inspetor ba Autoridade Seguransa Alimentar no Ekonómika, dever jerál no kooperasaun, termu ba vijénsia no entrada iha vigor.

Dekretu Governu ne'e sei publika imediatamente iha jornal da Repúblika menus dentro 24 oras hafoin nia aprovasaun. **HOTU**